



花草粹編二卷目錄

小令

中興樂

酒泉子 二十

沙塞子 二

落梅風

醉垂鞭 二

雪花飛

春光好

愁倚欄 四

浣溪沙 一百一十八

紗窓恨 二

戀情深 二

清商怨 四

贊浦子

傷春怨

平湖樂 四

小桃紅

歸國遙 四

三字令 二

縷縷金 二備題

楊花落

喜長新

霜天曉角 五

閔河令 二

卜筮子 三十七

後庭花 三

玉樹後庭花 二 巫山一段雲 八

減字木蘭花 五

十五

採桑子

一名羅敷令 四十一

花草粹編二卷目錄終

粹編卷之二

朗陵外方陳耀文晦伯甫篔

小令

中興樂

毛文錫

豈寇花繁烟艷深
丁香軟結同心翠
鬟女相與共淘金
紅蕉葉裏猩猩語
鴛鴦浦鏡中鴛舞
絲雨隔荔枝陰

牛希濟

池塘暖碧浸晴暉
濛濛柳絮輕飛紅
藥凋來醉夢還稀
春雲空有鴈歸珠
簾垂東風寂寞恨
郎拋擲淚

温羅衣

酒泉子

温飛卿

羅帶惹香猶繫別時紅豆淚痕新金縷舊斷離腸
一雙嬌燕語雕梁還是去年時節綠陰濃芳草歇柳
花狂

常莊

月落星沉樓上美人春睡綠雲傾金枕膩畫屏深
子規啼破相思夢曙色東方纔動柳煙輕花露重思
難任

顧璣

楊柳舞風輕惹春煙殘雨杏花愁鶯正語盡樓東
錦屏寂寞思無窮還是不知消息鏡塵生珠淚滴損
儀容

馮延巳

楚女不歸樓枕小河春水月孤明風又起杏花稀
玉釵斜插髻雲垂裙上綫金雙鳳一行書千里夢鴈
南飛

温廷筠

花映柳條閑向綠萍池上凭欄干窺細浪雨瀟瀟
近來音信兩踈索洞房空寂寞掩銀屏垂翠箔度春

宵

顧曼

羅帶綉金蘭麝煙凝魂斷畫屏欹雲鬢亂恨難任
幾迴垂淚滴鴛衾薄情何處去月臨窓花滿樹信沉
沉

馮延巳

庭下花飛月照粧樓春事晚珠簾風蘭燭燼空闌
迢迢何處寄相思玉筋零零腸斷屏幃深更漏永
夢魂迷

二

芳草長川柳映危橋橋下路歸鴻飛行人去碧山邊
風微烟淡雨蕭然隔岸馬嘶何處九迴腸雙臉淡

夕陽天

三

春色融融飛燕乍來鶯未語小桃寒垂柳晚玉樓空
天長烟遠恨重重消息燕鴻歸去枕前燈窓外月
閉朱籠

四

深院空幃廊下風簾驚宿燕香印灰蘭燭地覺來時
月明人自擣寒衣剛愛無端惆悵堦前行闌畔立

欲鷄啼

顧曼

黛薄紅深約掠綠髮雲膩小鴛鴦金翡翠稱人心
錦鱗無處傳消息意海燕蘭堂春又去隔年書千點淚
恨難任

李詢

秋月婣娟皎潔碧紗窗外照花穿竹冷沉沉印池心
凝露滴砌蛩吟驚覺謝娘殘夢夜深斜傍枕前來
影徘徊

張泌

春雨打窗驚夢覺來天氣曉畫堂深紅燭小背蘭缸
酒香噴鼻懶開缸惆悵更無人共醉舊巢中新燕
子語雙雙

李詢

雨漬花零紅散香凋池兩岸別情遙春歌斷掩銀屏
孤帆早晚離三楚閑理鈿箏愁幾許曲中情絃上
語不堪聽

顧曼

黛怨紅羞掩映畫堂春欲暮殘花微雨隔青樓思悠
悠芳菲時節看將度寂寞無人還獸語画羅濡香

粉污不勝愁

毛文錫

綠樹春深燕語鶯啼聲斷續蕙風飄蕩入芳叢惹殘
紅 柳絲無力裏煙空金盞不辭須滿酌海棠花下
思朦朧醉香風

晏同叔

春色初來遍折紅芳千萬樹流鶯粉蝶闐翻飛戀香
枝 勸君莫惜縷金衣把酒看花須強飲明朝後日
漸離披惜芳時

沙塞子

朱希真

萬里漂零南越山引泪酒催愁不見鳳樓龍闕又經
秋 九日江亭閑望蠻樹瘴煙浮腸斷紅蕉花晚水
西流

二前調太悲
再作

蠻逕尋春春早千點雪已飛梅席地插花傳酒日西
催 莫作楚囚相泣傾銀漢洗瑤池還盡人間桃李
拂衣歸

落梅風

宮烟如水濕芳晨梅似雪相親數枝春惹香塵 壽
陽嬌面偏憐惜粧成一面花新鏡中重把玉纖勻酒

初醺

醉垂鞭

錢塘送
祖擇之

張子野

酒面艷金魚吳娃唱吳潮上玉殿白麻書待君歸後
除勾留風月好平湖曉翠峯孤此景出闌無西州
空画图

二

雙蝶繡羅裙東池宴初相見朱粉不深勻閑花淡淡
春細看諸處好人人道柳腰身昨日亂山昏來時
衣上雲

雪花飛

黃魯直

携手青雲路穩天聲迤邐傳呼袍笏恩章乍賜春滿
皇都何處難忘酒瓊花照玉壺歸嫺絲梢競醉雪

舞郊衢

春光好

碧鷄漫志云近世
或易名愁倚欄

和凝

紗窓煖畫屏間顰雲鬟睡起四肢無力半春間玉
指剪裁羅勝金盤點綴酥山窺宋深心無限事小眉
彎

二

蘋葉軟杏花明畫船輕雙浴鴛鴦出綠汀棹歌聲
春水無風無浪春天半雨半晴紅粉相隨南浦晚幾

含情

心下事不思量自難忘
花底夢迴春漠漠恨偏長
閑日多少韶光雕闌靜
芳草池塘風急落紅留不住
又斜陽

曾純甫

愁倚欄

冰肌玉骨精神不風塵
昨夜窓前都折盡忽疑君
清淚拂拂沾巾誰相念
折贈芳春羗管休吹別塞曲
有人聽

三榮道上

程正伯

山無數雨蕭蕭路迢迢
不似芙蓉城下去柳如腰
夢隨春絮飄飄知他在第幾
朱橋說與杜鵑休喚覺
怕魂銷

二

春猶淺柳初芽杏初花
楊柳杏花交影處有人家
玉窓明暖烘霞小屏上
水遠山斜昨夜酒多春睡重
莫驚他

倚闌令

蒲江

惜春心步花陰怕春深
風颺游絲吹落絮滿園林
日長簾幙沉沉朱闌畔
斜艸瓊簪笑折梨花閑照水

貼眉心

浣溪沙

張曙

枕障薰爐隔綉幃二年終日兩相思
好風明月始應知
天上人間何處去
舊歡新夢覺來時
黃昏微雨
畫簾垂

北夢瑣言云張縞侍郎喪愛妾悼念不已其猶子曙作此詞縞見之痛曰必阿仄所作

韓偓 香奩集

攏鬢新妝玉步搖
背燈初解繡裙腰
枕寒衾煖異香焦
深院不關春寂寂
落花和雨夜迢迢
恨情殘醉
却無寥

二

宿醉離愁慢髻鬟
六銖衣薄惹輕寒
慵紅悶翠掩青鸞
羅襪况兼金齒苗
雪肌仍是玉琅玕
骨香腰細
更沉檀

常莊

夜夜相思更漏殘
傷心明月凭欄干
想君思我錦衾寒
咫尺畫堂深似海
憶來唯把舊書看
幾時携手
入長安

張泌

馬上凝情憶舊遊
照花淹竹小溪流
鈿箏羅幕玉搔

頭 早是出門長帶月 可堪分袂又經秋 晚風斜日
不勝愁

二

獨立寒堦望月華 露濃香泛小庭花 繡屏愁背一燈
斜 雲雨自從分散後 人間無路到仙家 但憑窵夢
訪天涯

歐陽炯

天碧羅衣拂地垂 美人初着更相宜 宛風如舞透香
肌 獨坐含顰吹鳳竹 園中緩步折花枝 有情無力
泥人時

二

相見休言有淚珠 酒闌重得叙歡娛 鳳屏鴛枕宿金
鋪 蘭麝細香聞喘息 綺羅纖縷見肌膚 此時還恨
薄情無

顧曼

紅藕香寒翠渚平 月籠虛閣夜蛩清 塞鴻驚夢兩牽
情 寶帳玉爐殘麝冷 羅衣金縷暗塵生 小窓孤燭
淚縱橫

二

惆悵經年別謝娘 月窓花院好風光 此時相望最情

傷 青鳥不來傳錦字
瑤姬何處瑣蘭房
忍教魂夢兩茫茫

三

庭菊飄黃玉露濃
冷莎隈砌隱鳴蛩
何期良夜得相逢
背帳風搖紅燭滴
惹香暖夢繡衾重
覺來枕上怯晨鍾

四

鴈響遙天玉漏清
小紗窗外月隴明
翠幃金鴨炷香平
何處不歸音信斷
良宵空使夢魂驚
簟涼枕冷不勝情

五

露白蟾明又到秋
佳期幽會兩悠悠
夢牽情役幾時休
記得泥人微歛黛
無言斜倚小書樓
暗思前事不勝愁

孫光憲

攬鏡無言淚欲流
凝情半日懶梳頭
一庭疎雨濕春愁
楊柳祇知傷怨別
杏花應信損嬌羞
淚沾魂斷軫離憂

蘭沐初休曲檻前
暖風遲日洗頭天
濕雲新歛未梳

蟬翠袂半將遮粉臆寶釵長欲墜香有此時模樣
不禁憐

三

輕打銀箏墜燕泥斷絲高眉畫樓西花冠閑上午墻
啼粉籜半開新竹逐紅苞盡落舊桃蹊不堪終日
閉深閨

閩選

寂寞流蘇冷繡茵倚屏山枕惹香塵小庭花露泣濃
春劉阮信非仙洞客嫦娥終是月中人此生無路
訪東鄰

毛熙震

花榭香紅煙景迷滿庭芳草綠萋萋金鋪閑掩繡簾
低紫燕一雙嬌語碎翠屏十二晚峯齊夢魂銷散
醉空閨

薛昭蘊

握手河橋柳似金蜂鬢輕惹百花心蕙風蘭思寄清
琴意滿便同春水滿情深還似酒盃深楚煙湘月
兩沉沉

二

傾國傾城恨有餘幾多紅淚泣姑蘇倚風疑睇雪肌

層 吳主山河空落日越王宮殿半平蕪藕花菱蔓
滿重湖

李珣

訪舊傷離欲斷魂無因重見玉樓人六街微雨錢香
塵 早為不逢巫峽夜那堪虛度錦江春遇花傾酒
莫辭頻

二

紅藕花香到檻頻可堪閑憶似花人舊歡如夢絕音
塵 翠疊畫屏山隱隱冷鋪紋簟水泚泚斷魂何處
一蟬新

南唐李主

紅日已高三丈透金鑪次第添香獸紅錦地衣隨步
皺 佳人舞點金釵溜酒惡時拈花盡嗅別殿遙聞
簫鼓奏

馮延巳

轉燭飄蓬一夢歸欲尋陳迹帳人非天教心願與身
違 待月池臺空漣水蔭花樓閣謾斜暉登臨不惜
更沾衣

春恨

李景

風壓輕雲貼水飛乍晴池館燕爭泥沈郎多病不勝

衣沙上未聞鴻鴈信竹間時有鷓鴣啼此情惟有
落花知

晏同叔

閨苑瑤臺風露秋整髮凝思捧觥籌欲歸臨別強遲
留月好謾成孤枕夢酒闌空得兩眉愁此時情緒
悔風流

二

青杏園林煮酒香佳人初着薄羅裳柳絲無力燕飛
忙乍雨乍晴花自落閑愁閑悶日偏長為誰消瘦
減容光

三

一曲新詞酒一盃去年天氣舊亭臺夕陽西下幾時
迴無可柰柯花落去似曾相識燕歸來小園香徑
獨徘徊

四

一向年光有限身等閑離別易銷魂酒筵歌席莫辭
頻滿目山河空念遠落花風雨更傷春不如憐取
眼前人

晏叔原

綠柳藏烏靜掩閑鴨爐香細鎖窓閑那回分袂月初

殘
惜別謾成良夜醉解愁時有翠鸞還欲尋雙葉
寄情難

二

午醉西橋夕未醒
雨花凄斷不堪聽
歸時應減鬢邊青
衣化客塵
今古道柳含春意
短長亭
鳳樓爭見路傍情

四

歐陽永叔

堤上遊人逐畫船
拍堤春水四垂天
綠楊樓外出鞦韆
白髮戴花君莫笑
六么催拍盞頻傳
人生何處似樽前

二

湖上朱橋響畫輪
溶溶春水浸春雲
碧琉璃滑淨無塵
當路遊絲紫醉客
隔花啼鳥喚行人
日斜歸去柰何春

三

葉底青青杏子垂
枝頭薄薄柳綿飛
日高深院晚鶯啼
堪恨風流成薄倖
斷無消息道歸期
托腮無語翠眉低

四

十載相逢酒一卮
故人纔見便開眉
老來遊舊更同

誰浮世歌歎真易失宦途離合信難期樽前莫惜
醉如泥

樓上登深欲閉門
夢雲散處不留痕
幾年芳草憶王孫
白日闌干依舊綠
試將前事倚黃昏
記曾來處易銷魂

集句

王介甫

百畝庭中半是苔
門前古道水縈迴
愛閑能有幾人來
小院回廊人寂寂
山桃野杏兩三栽
為誰零落為誰開

蘇子瞻

玉腕冰寒滴露華
粉融香雪透輕紗
晚來粧面勝荷花
鬢禪欲迎眉際月
酒紅初上臉邊霞
一場春夢

日西斜

橘

菊暗荷枯一夜霜
輕苞綠葉占林光
竹籬茅舍出青黃
香露噴人驚半破
清泉流齒怯初嘗
吳姬三百手猶香

方響

花滿銀塘水漫流
犀槌玉板奏涼州
順風環珮過秦

樓遠漢碧雲輕漠漠今宵人在鵲橋頭一聲敲徹
絳河秋

秦少遊

漠漠輕寒上小樓曉陰無賴似窮秋澹烟流水畫屏
幽自在飛花輕似夢無邊絲雨細如愁寶簾閑挂
小銀鈎

二

香靨凝羞一笑開柳腰如醉暖相挨日長春困下樓
臺照水有情聊整鬢倚闌無緒更堯鞋眼邊牽恨
懶歸來

三

脚上鞋兒四寸羅唇邊朱麝一櫻多見人無語但回
波料得有心憐宋玉只應無奈楚襄何今生有分
共伊麼

四

錦帳重重卷暮霞屏風曲曲闔紅牙恨人何事苦離
家枕上夢魂飛不去覺來紅日又西斜滿庭芳草
襯殘花

黃魯直

飛鵲臺前暈翠蛾千金新買帶青螺最難如意為情

多 幾處淚痕留醉袖一春愁思近橫波遠山低盡
不成歌

張子野

樓倚春江百尺高煙中還未見歸橈幾時期信似江
潮 花片片飛風弄蝶柳陰陰下水平橋日長才過
又今宵

六幺二

輕羅來時不破塵石榴花映石榴裙有情應解憶青
春 夜短更難留遠夢日高何許學行雲樹深鶯過
靜無人

謝無逸

樓閣簾垂乳燕飛圓荷細細點清漪薰風破夢晚涼
時 玉軫琴邊蘭思遠霜紈扇裏翠眉低揉藍衫子
鬧蜂兒

周美成

日射歌紅蠟蒂香風乾微汗粉襟涼碧紗對掩簾紋
光 自剪柳枝明畫閣戲拋蓮葯種橫塘長亭無事
好思量

二

翠葆參差竹徑成新荷跳雨淚珠傾曲攔斜轉小池

亭 風約簾衣歸燕急水搖扇影戲魚驚柳稍殘日
弄微晴

三

薄薄紗厨望似空簾紋如水浸芙蓉起來嬌眼未惺
惚 強整羅衣搵皓腕更將紈扇掩酥脣羞郎何事
面微紅

四

寶扇輕圓淺畫繒象床平穩細穿藤飛蠅不到避壺
冰 翠枕面涼頻憶睡玉簫手汗錯成聲日長無力
要人凭

五

雨過殘紅濕未飛珠簾一帶透斜暉遊蜂釀蜜竊香
歸 金屋無人風竹亂夜篝盡日水沉微一春須有
憶人時

六

樓上晴天碧四垂樓前芳草接天涯勸君莫上最高
梯 新笋已成堂下竹落花都入燕巢泥忍聽林表
杜鵑啼

春景

水漲魚天拍柳橋雲鳩拖雨過江皋一番春信入東

郊 閑碾鳳團消短夢靜看燕子疊新巢又移日影
上花稍

石孝友

宿醉離愁慢髻鬟韓偓綠殘紅豆憶前懽原叔錦江春水

寄書難原叔紅袖時籠金鴨煖游少小樓吹徹玉笙寒

李璟為誰和淚倚闌干中行

趙德麟

風急花飛晝掩門一簷殘雨滴黃昏便無離限也銷
魂 翠被任薰終不暖玉盃慵舉幾番溫箇般情事
與誰論

劉平叔出家妓八人絕藝脚絕 琴絕 歌絕 舞絕

穩小弓鞋三寸羅歌唇清韻一櫻多燈前秀艷揔橫
波 指下鳴泉清香渺掌中回旋小婆娑明朝歸路
柰情何

三

一 朶夢雲驚曉鴉數枝春雨帶梨花坐來殘月冷窓
紗 釵鳳謾曾留得半枕山猶是枕時斜對花今日
柰天涯

四

槐柳春餘綠漲天酒旗高插夕陽邊誰家墻裏笑鞦韆

韞 往事不堪樓上看新愁多向曲中傳此情銷得
是何年

五

水滿池塘花滿枝亂香深裏語黃鸝東風輕軟弄簾
幃 日正長時春夢短燕交飛處柳煙低玉牕紅子
闌暮時

六

少日懷山老住山一官休務得身閑幾年食息白雲
間 似我樂來真是少見人忙處不相關養真高靜
出塵寰

賀方回

秋水斜陽遠漾金平山隱隱隔橫林幾家村落幾聲
砧 記得西樓凝醉眼昔年風物似如今只無人與
共登臨

二

煙柳春稍蘸暈黃井欄風綽小桃香覺時簾幕又斜
陽 望處定無千里眼斷來能有幾回腸少年禁取
恁淒涼

三

鸚鵡無言理翠衿杏花零落盡陰陰畫橋流水半篙

深芳徑與誰期
鬪草繡床終日罷
拈針小箋香管
寫春心

四

鼓動城頭啼暝鴉
過雲時送雨些些
嫩涼如水逗窓
紗
弄影西廂侵戶
月分香東畔拂墻
花此時相望
抵天涯

五

雲母窓前歇繡針
低鬟凝思坐調琴
玉纖纖按十三
金
歸卧文園猶帶酒
柳花飛度畫堂陰
只憑雙燕
話春心

六

蓮燭啼痕怨漏長
吟蛩隨月到回廊
一屏煙景畫
湘
連夜斷無行
雨夢隔年猶有着
人香此情須信
是難忘

七

閑把琵琶舊譜尋
四絃聲怨却沉吟
燕飛人靜畫堂
深
歌枕有時成
雨夢隔簾無處說
春心一從燈夜
到如今

八

宮錦袍薰水麝香
越紗裙染鬱金黃
薄羅依約見明

粧 繡陌不逢携手伴綠窓誰是畫眉郎春風十里
斷人腸

九

兩點春山一寸波當筵嬌甚不成歌動人情態可須
歌 金井露寒風下葉畫樓雲斷月侵河耿耿此夜
柰愁何

十

樓角初銷一綫霞澹黃楊柳帶栖鴉玉人和月摘梅
花 笑撚粉香歸洞戶更垂羅幙護窓紗東風寒似
夜來些

和葆光春晚飲會

舒信道

金縷歌殘紅燭稀梁州舞罷小鬟垂酒醒還是獨歸
時 畫棟日高來語燕綺窓風暖度游絲幾多綠葉
上青枝

重陽前一日登極目亭

葉少蘊

小雨初迴昨夜涼統籬新菊已催黃碧空無際卷蒼
茫 千里斷鴻供遠目十年芳草掛愁腸緩歌聊與
送瑤觴

書虞元翁畫

蘇養直

水榭風微玉枕涼牙床角簟藕花香野塘煙雨罩鴛鴦

鸞紅蓼渡頭青嶂遠綠蘋波上白鷗雙
淋浪淡墨水雲鄉

呂居仁

暖日溫風破淺寒短青無數簇幽欄
三年春在病中看
中酒心情渾似夢採花時候不曾開
幾年芳信隔秦關

歲除集二老句

向伯恭

爆竹聲中一歲除東風送暖入屠蘇
公矧瞳瞳曉色上林廬
老去怕看新曆日退歸擬學舊桃符
東坡青春不染白髭鬚

朱希真

白玉欄干白玉人倚花吹葉忍黃昏
蕭郎一去又經春
眉淡翠峯愁易聚臉殘紅雨淚難勻
纖腰減半綠羅裙

凡四十二

雨濕清明香火殘碧溪橋外燕泥寒
日長獨自倚闌干
脫籜脩篁初散綠褪花新杏未成
酸江南春好與誰看

三

才子佳人相見難舞收歌罷又更闌
密將春恨繫幽

歡 結子同心香佩帶帕兒雙字玉連環酒醒燈暗
忍重看

泛舟

毛澤民

銀字笙簫小小童梁州吹過柳橋風阿誰勸我玉盃
空 小醉徑須眠錦瑟夜歸不用簇紗籠畫船簾捲
月明中

趙元鎮

艷艷春嬌入眼波勸人金盞緩聲歌不禁粉淚搵香
羅 暮雲朝雨相見少落花流水別離多寸腸爭柰
此情何

陳克 子高

菴畫溪頭春水生銅官山外夕陽明煖風無力小舟
橫 萬事悠悠生處熟三杯兀兀醉時醒杏花楊柳
更多情

二

短燭熒熒照碧窓重重簾幙護梨霜幽歡不怕夜偏
長 羅襪細釵紅粉醉曲屏深慢綠橙香征鴻雖遠
斷人腸

三

牕紙幽幽不肯明寒更忍作斷腸聲背人殘燭却多

情合下心期唯有夢如今寃夢也無憑幾行閑淚
莫縱橫

趙子發

踈蔭搖搖起岸移驚鷗點點過帆飛舡分水打嫩沙
田斷夢不知人去處卷簾還有燕來時日斜風緊
轉灣西

曹元寵

柳絮池臺淡淡風碧波花喚小橋通雲連麗字倚晴
空芳草綠楊人去住短牆幽徑燕西東攀條弄蕊
得從容

吳大年

白玉樓中白雪歌更將白紵襯春羅軟紅香裏最么
麼桃葉桃根隨處有江南江北見來多風前月底
柰愁何

二

壁月光中玉漏清小梅踈影水邊明似梅人醉月西
傾梅欲黃時朝暮兩月重圓處短長亭舊愁新恨
若爲情

趙德莊

花下憑肩月下迎避人私語臉霞生畫堂紅燭意盈

盈 病酒一春愁與睡倚闌終日雨還晴強移心緒
作清明

餘干傳舍

吳儆

畫楯朱欄繞碧山平湖倚徙水雲寬人家楊柳帶汀
灣 目力已隨飛鳥盡機心還逐白鷗閑蕭蕭微雨
晚來寒

上巳

軟翠冠兒簇海棠 砑羅衫子繡丁香閒來水上踏青
陽 風暖有人能作伴日長無事可思量水流花落
任匆忙

張安國

已是人間不繫舟此心元是不驚鷗卧看駭浪與天
浮 對月只應頻舉酒臨風何必更搔頭暝煙多處
是神州

二

冉冉幽香解鈿囊蘭橈煙雨暗春江十分清瘦爲蕭
郎 遙憶牙墻收楚纜應將玉筋點吳粧有人縈斷
九回腸

坐中十八客

同是瀛洲丹府仙只今聊結社中蓮胡笳按拍酒如

川 喚起封姨清晚景更將荔子寫新圖從今三夜
看嬋娟

相山詞

一種秋風兩處涼雨聲初歇漏聲長池塘零落藕花
香 歸夢等閑歸燕去斷腸分付斷雲行畫屏今夜
更思量

陸放翁

嫩向沙頭醉玉瓶喚君同賞小窓明夕陽吹角最閑
情 忙日苦多閑日少新愁常續舊愁生客中無伴
怕君行

漁父

徐師川

西塞山前白鷺飛桃花流水鱖魚肥一波幾動蕩波
隨 黃帽豈如青蒻笠羊裘何似綠蓑衣斜風細雨
不須歸

二

新婦磯邊秋月明女兒浦口晚潮平沙頭鷺宿戲魚
驚 青蒻笠前明此事綠蓑衣底慶平生斜風細雨
小舟輕

張志和漁父詞云西塞山前白鷺飛桃花流水鱖魚肥青蒻笠綠蓑衣斜風細雨不須歸願况漁父詞云新婦磯邊秋月明女兒浦口潮平沙頭鷺宿驚東坡云元真語極清麗恨其曲度不傳加數語

以浣溪沙歌之云西塞山前白鷺飛散花洲外片
帆微桃花流水鱖魚肥自詫一身青箬笠相隨到
處綠叢衣斜風細雨不須歸山峇見之擊節稱賞
且云惜乎散花與桃花字重疊又漁舟少使帆
者乃取張碩二詞合為浣溪沙云新婦磯邊眉黛
愁女兒浦口眼波秋驚魚錯認月沉鈎青箬笠前
無限事綠叢衣底新婉麗問其寂得意處以山光
暖云替却玉肌花貌真得漁父無乃太瀾浪乎東湖老
水色便入女兒浦此魚真得漁父無乃太瀾浪乎東湖老
婦殘便入女兒浦此魚真得漁父無乃太瀾浪乎東湖老
人因坡谷互有異同之
論故作此詞二闕云

朱雍

殘日憑欄目斷霞寒林人靜每歸鴉小梅春早壓群
花一檻風聲清玉管數枝月影到窓紗隔簾時度
暗香此

春情

劉致君

繡館人人倦踏青粉垣深處簸錢聲賣花門外綠陰
輕 簾幙風柔飛燕燕池塘花煖語鶯鶯有誰知道
一春情

蔡州爪陂舖壁間詞

能改齋謾錄

剪碎香羅裛淚痕鷓鴣聲斷不堪聞馬嘶人去近黃
昏 整整斜斜楊柳陌踈踈密密杏花村一番風月
更消魂

武進廳壁

揚彥齡 筆錄

倦客東歸得自由西風江上泛扁舟夜寒霜月素光

流 想得故人千里外醉吟應上謝家樓不多天氣
近中秋

二

北固江頭浪拍空歸帆一夜趁秋風月明初上荻花
叢 漸入三吳烟景好此身將過浙江東夢魂先在
鑑湖中

別恨

鄭中卿

酒薄愁濃醉不成夜深欹枕數殘更嫩寒時節過燒
燈 已自孤鶯羞對鏡未能雙鳳怕聞笙莫教吹作
別離聲

延安李氏

無力薔薇帶雨低多情蝴蝶趁花飛流水飄香乳燕
啼 南浦魂消春不管東陽衣減鏡先知小樓今夜
月依依

李易安

小院閑窗春色淡重簾未捲影沉沉倚樓無語理瑤
琴 遠岫出山催薄暮細風吹雨弄輕陰梨花欲謝
恐難禁

二

淡蕩春光寒食天玉鑪沉水裊殘烟夢迴山枕隱花

錦海鷺未來人闌草江梅已過柳生綿黃昏疎雨
濕秋千

閨情

髻子傷春慵更梳晚風庭院落梅初淡雲來往月疎
疎玉鴨薰爐閑瑞腦朱櫻斗帳掩流蕪遺犀還解
碎寒無

朱淑真

露井天桃吐絳英春衣初試薄羅輕風和煙煖燕巢
成滿院深簾閑不捲曲房朱戶悶長爲惱人光景
又清明

春怨

卸下金釵一樣嬌背燈初解綉裙腰寒枕冷夜香
消深院不閑春寂寂落花和雨夜迢迢恨情和夢
更無聊

慕容崑卿妻

滿目江山憶舊遊汀花汀草弄春柔長亭艤住木蘭
舟好夢易隨流水去芳心猶逐曉雲愁行人莫上

望京樓

竹坡詩話云頃年平江府雍熙寺每深夜月明有
婦人歌小詞於廊廡間者就之不見客有聞而錄
之者姑蘇士子慕容崑卿見而驚曰君何從得此
詞客語之故崑卿悲歎久之曰此余亡妻之詞無

知者明日視之乃其妻旅視所在

珍娘 鬼也

溪霧溪煙溪景新溶溶春水淨無塵碧琉璃底浸春雲
風颺游絲垂蝶翅雨飄飛絮濕鶯唇挑花片片
送殘春

紗窓恨

毛文錫

雙雙蝶翅塗鉛粉啞花心綺窓繡戶飛來穩畫堂陰
一三月愛隨飄絮伴落花來拂衣襟更剪輕羅片
傳黃金

二

新春燕子還來至一雙飛墨巢泥濕時時墜泥人衣
後園裏看百花發香風拂繡戶金扉月照紗窓恨
依依

戀情深

毛文錫

滴滴銅壺寒漏咽醉紅樓月宴餘香殿會鶯衾蕩春
心真珠簾下曉光侵鶯語隔瓊林寶帳欲開慵起
戀情深

宮詞

玉殿春濃花爛熳簇神仙
羅裙翠地綫黃金奏清
音酒闌歌罷兩沉沉
一笑動君心未願作鴛鴦伴

戀情深

清商怨

晏叔原

庭花香信尚淺最玉樓先曉
夢覺春衾江南依舊遠
回紋錦字暗剪
謾寄與也應歸晚
要問相思天涯
猶自短

周美成

枝頭風勢漸小看暮鴉飛了
又是黃昏閉門收返照
江南人去路
緲信未通愁已先到
怕見孤燈霜寒
催睡早

歐陽永叔

閔河愁思望處滿
漸素秋向晚
鴈過南雲行人回淚
眼雙鴛衾裯
悔展夜又永
枕孤人遠
夢未成
歸梅

花聞塞管

江淹詩心逐南雲去身隨北雁來陸機思親賦拈南雲以寄欽陸雲九愍眷南雲以興悲

沈文伯天機餘錦

城上鴉啼斗轉
漸漸玉壺冰滿
月淡寒梅清香來小
院誰遣鴛鴦
寫怨翻錦字
疊疊和愁卷
夢破胡笳
江南烟樹遠

贊浦子

毛文錫

錦帳添香睡
金爐換夕薰
懶結芙蓉帶
慵拖翡翠裙

正是挑天柳媚那堪暮雨朝雲宋玉高唐意裁瓊
欲贈君

傷春怨

荆公能改齋漫錄

雨打江南樹一夜花開無數綠葉漸成陰下有遊人
歸路與君相逢處不道春將暮把酒祝東風且莫
匆匆去

平湖樂

綠荷相背倚西風涼露煙霏重翠蓋銀瓶醉時捧使
君公徑須傾倒玻璃瓮青山城郭暮雲樓閣高下
一重重

三

安仁雙鬢已驚秋更甚眉頭皺一笑相逢且開口玉
爲舟新詞淡似鵝黃酒醉歸扶路竹西歌吹人道
似揚州

三

採菱人語隔秋煙波靜如橫練入手風光莫流轉共
留連畫船一笑春風面江上信美終非吾土問何
日是歸年

四

秋風湖上水增波木底雲陰過憔悴湘纍莫輕和且

高歌
凌波幽夢誰驚破
佳人望斷碧雲暮
合道別後意如何

小挑紅

張小山

一汀煙柳索春饒
添得楊花鬧
盼殺歸舟木蘭棹
水迢迢
畫樓明月空相照
今番瘦了多情
知道寬褪翠裙腰

歸國遙

溫飛卿

雙臉小鳳戰篔簹
金飈艷舞衣無力
風歛藕絲秋色染
錦帳繡幃斜掩
露珠清曉簟粉心
黃蘗花
屬黛眉
山兩點

常莊

春欲暮
滿地落花紅
帶雨惆悵玉籠鸚鵡
單棲無伴
侶
南望去程何許
問花花不語
早晚得同歸
去恨無雙翠羽

二

金翡翠爲我南飛傳
我意卷盡橋邊春水
幾年花下醉
別後只知相愧
淚珠難遠寄
羅幕繡幃鴛鴦被
舊歡如夢裏

馮延巳

花間作溫

雕香玉翠鳳寶釵垂
景款鈿筐交勝金粟
越羅香水

詠 畫堂照簾殘燭夢餘更漏促謝娘無限心曲曉
屏山漸續

三字令

歐陽炯

春欲暮日邊暈牡丹時羅幌卷翠簾垂兩心知
人不在燕空歸負佳期香燼落枕函歌月分明花澹薄
惹相思

向伯恭

春盡日雨餘時紅軟軟綠漪漪花滿地水平池烟光
裡雲衫上畫船移 文鴛並白鷗飛歌韻響酒行遲
將我意入新詩春欲去留且住莫教歸

綵綵金

清湖三塔記

幾回見你簾兒下佯不採把人斜抹問着他插地推
聾啞到學三郎改話不也不和我巧時休和我巧時
都不怕

二

這幾日言語夾袂只推道娘的揸把常言道官不容
針又何况私同車馬不也不和我巧時休和我巧時
都不怕

備題

楊花落

夢中詞

李邦直

塵史

楊花落燕橫子穿高閣長恨春醪如水薄悶愁無處着

去年今日王陵舍鼓角秋風千歲遠東回首人間
萬事空

喜長新

王勝之

秋雲朔吹曉徘徊雪照樓臺宴召邠枚相如獨逞雄
才明燭薰爐香暖深勸金盃庭前粉艷有寒梅昨
夜一枝開

霜天曉角

張安國

柳絲無力冉冉縈秋碧繫我船兒不住楚江上晚風
急棹歌休怨抑有人離恨極說與歸期不遠剛不
信淚偷滴

張材甫

曉風搖幕欹枕聞殘角霜月可窻寒影金視冷翠衾
薄舊恨無處着新愁還又作夜夜單于聲裏燈花
共淚珠落

劉改之

霜天曉角夢回滋味惡酒醒不禁寒力紗窻外日華
薄擁衾思舊約無情風透幙惟有梅花相伴不成
是也吹落

劉圻父

橫陰漠漠似覺羅衣薄正是海棠時候紗窻外東風

惡 惜春春寂寞尋花花冷落不會這些情味元不
是念離索

月當窓

張宗瑞

看朱成碧曾醉梅花側相遇匆匆相別又爭似不相
識 南北千里隔幾時重見得最苦子規啼處一片
月當窓白

閔河令

清遠軒
遠望

趙介之

亭臯霜落飛葉滿聽西風斷鴈閑凭危闌斜陽紅欲
斂 行人歸期太晚誤髣髴征帆幾點水遠連天愁
雲遮望眼

已亥丑春舟中

江頭伊軋動柔櫓漸楚天欲暮浩蕩輕鷗波間自容
與 岸蓼汀蘋無緒更滿目蕭疎紅樹此意何窮憑
誰圖画取

卜筮子

春恨

秦慶度

春透水波明寒峭花枝瘦極目煙中百尺樓人在樓
中否 四和春金見雙陸思纖手擬倩東風浣此情
情更濃如酒

陳瑩中

身如一葉舟萬事潮頭起水長船高一任伊來往共
濤裏潮落又潮生今古長如此後夜開樽獨酌時
月滿人千里

二

夢裏不知眠覺後眠何在試問眠身與夢身那箇能
抵對醉後有人醒醒了無人醉要識三千與大千
不在微塵外

裕陵時人

蹙破眉峯幾織手還重執鎮日相看未足時忍便使
鴛鴦隻薄暮枝村驛風雨愁通夕窗外芭蕉窓裏

人分葉上心頭滴

王照新志裕陵親書其後云此書甚佳不知何人作奏來

孤鴻

蘇子瞻

缺月掛疎桐漏斷人初靜時見幽人獨往來縹緲孤
鴻影驚起却回頭有恨無人省揀盡寒枝不肯棲

楓落吳江冷

者舊續聞云趙右史云余頃於鄭公實處見東坡親蹟書卜集子斷句云寂寞沙汀冷刊本作楓落吳江冷詞意全不相屬也

皎如晦

杭州僧

有意送春歸無計留春住畢竟年年用着來何似休
歸去目斷楚天遙不見春歸路風急桃花也似愁

點點飛紅雨

毛棊

見也如何暮別也如何遽別也難時見也難後會難
憑據去也如何去住也如何住住也應難去也難
此際難分付

石孝友集
金谷遺音

送鮑浩然游浙東

王逐客

能改齋
漫錄

水是眼波橫山是眉峯聚欲問行人去那邊眉眼盈
盈處才始送春歸又送君歸去若到江南赶上春
千萬和春住

張子野

夢短寒夜長坐待清霜曉臨鏡無人為整粧但自
孤鸞照樓臺紅樹杪風月依前好江水東流即在
西問尺素何由到

杜秋元

安世

尊前一曲歌歌裏千重意才欲歌時淚已流恨應更
多如淚試問緣何事不語痴如醉我亦情多不忍
聞怕和我添憔悴

程正伯

獸自上層樓樓外青山遠望到斜陽欲盡時不見西
飛鴈獸自下層樓樓下蛩聲恁待到黃昏月上時

依舊柔腸斷

呂聖求

一日抵三秋半月如千歲自夏經秋到雪飛一向都
無計續續說相思不盡無窮意若寫出懷一段愁
應用天爲紙

徐師川

天生百種愁掛在斜陽樹綠葉陰陰自得春草滿鶯
啼處不見凌波步空想如黃語門外重重疊疊山
遮不斷愁來路

舒信道

池臺小雨乾門巷香輪少誰把青錢襯落紅滿地無
人掃何時闔草歸幾度尋花了留得佳人蓮步痕
宮樣鞋兒小

黃山谷

要見不得見要近不得近試問得君多少憐管不解
多於恨禁止不得淚忍管不得悶天上人間有底
愁向箇裡都諧盡

盡是手成持合得天饒借風雨於花有甚讎作意相
陵藉做煖逼教開做冷催教謝不負明年看花人

只負栽花者

二

片片蝶衣輕點點猩紅小人道東君不惜花百種千般巧朝見樹頭繁暮見枝頭少人道東君果惜花雨打風吹了

李敦詩

南北利名人常恨家居少每到春時聽子規無不傷懷抱好去向長安細與公卿道待得功成名遂時不如歸來早

康仲伯

曾約再來時花暗春風樹今日人來花未開春未知人處坐客有踈狂綵筆題新語渾為玉人顏玉山忘了陽關路

二

煙髻縮層巔雲葉生寒樹斜日行人窈窕村愁陣縱橫處細細寫鴛鴦牋寄相思語會倩春風展柳眉回馬章臺路

蒲江

續續露蛩鳴索索風梧語瘦骨從來不柰秋一夜秋如許簾冷捲風漪髻滑拋雲縷展轉無人共此情

畫角吹殘雨

慈谿文亭館古詞

潮生浦口雲潮落沙頭樹潮本無心落又生人自來
還去今古短長亭送往迎來處老盡東西南北人
亭下潮如故

清湖三塔記

幽花帶露紅濕柳拖烟翠花柳分春各自芳惟有人
憔悴寄與手中書問肯歸來未正是東風斜峭寒
如何獨自教人睡

寄歌者李蓮

呂聖求

渡口看潮生水滿蒹葭浦長記扁舟載月明深入紅
蕖去荷盡覆平池忘了歸來路誰信南樓百尺高
不見如蓮步

陳無已 梅苑

搖風影似凝帶雪香如抱開盡南枝到北枝不道春
將老飄飄姑射仙誰識冰肌好會有青綾夢覺人
可愛池塘草

綉幕罩梅花莫放清香透鑑裏朱顏歲歲移只道花
依舊把酒問梅花知我離情否若使梅花知我時

料得花須瘦

三

雪閣嶺頭雲竹冷溪邊樹還似蕭湘縹緲人玉骨籠
香霧月下幽香度夢裏香魂駐回首南枝酒半醺
寂寞無尋處

春晚

高觀

屈指數春來彈指驚春去簷外蛛絲網落花也要留
春住幾日喜春晴幾夜愁春雨十二雕窓六曲屏
題遍傷春句

三月三十日壽母

范靖江

壽親
養老

滿二望三時春景方明媚人見蟠桃結子來王母初
筵啓無數桂林山不盡離江水揔入今朝祝壽杯
永保千千歲

趙可

中州樂府

明月在青天借問今時幾但見宵從海上來不覺雲
間墜流水古今人共看皆如此唯願當歌對酒時
長照金尊裏

缺月挂疎桐

擬東坡作

趙秉文

上

烏鵲不多驚貼貼風枝靜珠貝橫空冷不收半濕秋
河影缺月墮幽窓推枕驚深省落葉蕭蕭聽雨聲

簾外霜華冷

西湖遺舊

福建士子

月在小樓西鷄唱霜天曉淚眼相看話別時把定纖
纖手伊道不忘人伊却都忘了我若無情似你時
瞞不得橋頭柳古杭雜記

贈樂婉杭妓

施酒監古今詞話

相逢情便深恨不相逢早識盡千千萬萬人終不似
伊家好別你登長道轉更添煩惱柳外朱樓獨倚
欄滿目園芳草

答施

樂婉

相思似海深舊事如天遠淚滴千千萬萬行更使人
愁腸斷要見無因見了拚終難拚若是前生未有
緣待重結來生願

美奴陸藻侍

送我出東門乍別長安道兩岸垂楊鎖暮煙正是秋
光老一曲古陽關莫惜金尊倒君向瀟湘我向秦
魚鴈何時到若溪漁隱

梅

朱淑真

竹裏一枝梅映帶林逾靜雨後清竒盡不成淺水橫
斜影吹徹小單于心事重思省拂拂風前度暗香

月色侵花冷

嚴幼芳

不是愛風塵似被前緣誤
花開花落自有時總賴東
君主去也終須去住也
如何住若得山花插滿頭
莫問奴歸處

後庭花

毛熙震

花間集

鶯啼燕語芳菲節
瑞庭花發昔時惟
宴歌聲揭管絃
清越自從陵谷追遊歇
畫梁塵黜傷心一片如珪
月閑鎖宮闕

二

越羅小袖新香薄
籠金釧倚闌無語
搖輕扇半遮
勻面春殘日暖
鶯嬌嬾滿庭花片爭不教人
長相見
畫堂深院

孫光憲

石城依舊空江國
故宮春色七尺青絲芳草綠
絕世難得
姚王英凋落盡更何人識
野棠如織只是教人
添怨憶
悵望無極

寶林香重玉樹後庭花

上元

張子野

華燈火樹紅相闔
往來如畫河橋水白天青訝別生
星斗落梅穠李還依舊
寶釵沾酒曉蟾殘
漏心情

恨雕鞍歸後

二

寶牀香重春眠覺
鮎窓難曉新聲麗
色千人歌後庭
清妙青驄一騎來
飛鳥靚粧難好
至今落日寒蟾
照臺城秋草

巫山一段雲

毛文錫

雨霽巫山上雲輕
映碧天遠風吹散
又相連十二晚
峯前暗濕啼猿樹
高籠過客船
朝朝暮暮楚江邊
幾度降神仙

李珣

有客經巫峽停橈
向水湄楚王曾此
夢瑤姬一夢青
無期塵暗珠簾卷
香銷翠幄垂西風
回首不勝悲
暮雨洒空祠

二

古廟依青嶂行宮
枕碧流水聲山色
鎖粧樓往事思
悠悠雲雨朝還暮
煙花春復秋啼猿
何必近孤舟
行客自多愁

花菴詞客云唐詞多緣題所賦臨江仙則言仙事
女冠子則述道情河瀆神則詠祠廟大槩不失本
題之意爾後漸變失題遠矣如此
二詞實唐人本來詞體如此

淨壇峯

巫山十
二峯

趙孟頫

疊嶂千重碧長江一帶清瑤壇霞冷月隴明欹枕若
爲情 雲過船窓曉星移宿霧晴古今離恨撥難平
惆悵峽猿聲

登龍峯

片月生危岫殘霞拂翠桐登龍峯下楚王宮千古感
遺蹤柳色眉邊綠花明臉上紅欲尋靈跡阻江風離
思杳無窮

松鶴峯

松鶴堆嵐靄陽臺枕水湄風清月冷好花時惆悵阻
佳期別夢遊蝴蝶離歌怨竹枝悠悠往事不勝悲春

恨入雙眉

上昇峯

雲裏高唐觀江邊楚客舟上昇峯月照妝樓離思兩
悠悠雨雲千里阻長江一帶秋歌聲頻唱引離愁光
景恨如流

朝雲峯

絕頂朝雲散寒江暮雨頻楚王宮殿已成塵過客轉
傷神月是巫娥伴花爲宋玉隣一聽歌調一含頻哀
怨竹枝春

集仙峯

雨過蘋汀遠雲深水國遙渡頭齊舉木蘭橈纖細楚
宮腰映水勻紅臉偎花整翠翹行人倚棹正無聊一
望一魂銷

望霞峯

碧水鴛鴦浴平沙荳蔻紅望霞峯翠一重重帆卸落
花風澹薄雲籠月霏微雨灑蓬孤舟晚泊浪聲中無
處問音容

棲鳳峯

芍藥虛投贈丁香漫結愁鳳棲鴛去兩悠悠新恨怯
逢秋山色驚心碧江聲入夢流何時弦管簇歸舟

棹泊沙頭

翠屏峯

碧水澄青黛危峯聳翠屏竹枝歌怨月三更別是斷
腸聲煙外黃牛峽雲邊白帝城扁舟清夜泊蘋汀倚
棹不勝情

聚鶴峯

鶴信三山遠羅帶片水深高唐春夢杳難尋惆悵至
如今十二峯前月三千里外心紅牋錦字信沉沉腸
斷舊香衾

望泉峯

曉色飄紅豆平沙枕碧流泉聲雲影弄新秋觸處是
離愁臉淚橫波淡眉攢片月收佳人嫵笑準難休半
整玉搔頭

起雲峯

袅娜江邊柳飄飄嶺上雲卸帆迴棹楚江濱歸信夜
來聞欲拂珊瑚枕先熏翡翠裙江頭含笑去迎君鴛
鳳畫成群

柳三變

六六真游洞三三物外天九斑麟撼破非煙何處接
雲軒昨夜麻姑陪宴又話蓬萊清淺幾日山脚弄雲

濤髮鬢見金鰲

閨苑年華未嬉遊別是情人間三度見河清一番碧
桃成金母忍將輕摘留宴鰲峯真客紅獮閑卧吹斜
陽方朔敢偷嘗

三

簫氏賢夫婦茅家好弟兄羽輪飈駕赴層城高會盡
仙卿一曲雲謠爲壽倒盡金壺碧酒醺酣爭撼白榆
花踏碎九光霞

減字木蘭花

歐陽永叔

留春不住燕老鶯慵無覓處說似殘春一老應無却
少人風和月好辦得黃金須買笑愛惜芳時莫待
無花空折枝
傷懷離抱天若有情天亦老此意如何細似輕絲渺
似波風扇舟岸側楓葉荻花秋索索細想前歡須看
人間比夢間

歌檀欵袂繚繞雕梁塵暗起柔潤清圓百琲明珠一
綫穿櫻唇玉蕊天上仙音心下事留住住行雲滿壘

迷魂酒半醺

四

去年殘臈曾折梅花相對插人面而今空有花開無
處尋天天不遠把酒拈花時發願願得和伊偎雪
眠香似舊時

晏叔原

長亭晚送都似綠窓前日夢小字還家恰應紅燈昨
夜花良時易過半鏡流年春欲破往事難忘一枕
高樓到夕陽

二

留春不住恰似年光無味處滿眼飛英彈指東風太
淺情 箏絃未穩學得新聲難破恨轉枕花前且伴
香紅一夜眠

三

長楊輦路綠滿當年携手處試逐春風重到宮花花
樹中 芳菲迭遍今日不如前日健酒罷淒涼新恨
猶添舊恨長

恨別

柳耆卿

花心柳眼即似游絲常惹絆慵困誰憐繡線金針不
喜穿 深房密讌爭向好天多聚散綠瑣窓前幾日

春愁廢管絃

春情

王安國

畫橋流水雨濕落紅飛不起月破黃昏簾裏餘香馬
上聞 徘徊不語今夜夢魂何處去不似垂楊猶解
飛花入洞房

潤州席上

蘇子瞻

鄭莊好客容我尊前時墮幘落筆風生籍籍聲名滿
帝京 高山白早瑩骨冰肌那解老從此南徐良夜
清風月滿湖

東臯雜錄云林希子中知潤州東坡自錢塘赴召
有官妓鄭容高瑩求脫籍東坡為此詞書牒林判

云鄭容落籍高堊從良蓋取句端八字云若溪魚
隱日聚蘭集載此詞東坡贈潤守許仲涂

東坡錄侯鯖

春庭月午搖落春醪光欲舞步轉回廊半落梅花
婉香輕風薄霧都是少年行樂處不似秋光只與
離人照斷腸

元祐七年正月東坡在汝陰州堂前梅花大開王
夫人曰春月色勝如秋月色秋色令人懷惻春
月色令人和悅何如召趙德麟筆來飲此花下先
生大喜曰吾不知子能詩耶此真詩家語耳遂相
召與飲用是語作此詞

登巫山縣樓

黃山谷

襄王夢裏草綠煙深何處是宋玉臺頭暮雨朝雲幾

許愁飛花漫漫不管羈人腸欲斷春水茫茫要渡
南陵更斷腸

二

終宵忘寐好事如何猶尚未子細沉吟珠泪盈盈濕
袖襟與君別也願在郎心莫暫捨記取盟言聞早
回程却再圓

秦少游

天涯舊恨獨自淒涼人不問欲見回腸斷盡金爐小
篆香黛蛾長歛任是東風吹不轉困倚危樓過盡
飛鴻字字愁

張文潛

箇人風味只有梅花些子似每到開時滿眼清愁只
自知霞裾仙佩姑射神人風露態蜂蝶休忙不與
春風一點香

減蘭十梅 并序

梅苑

竊以花雖多品梅最先春始因暖律之潛催正值
冰澌之初泮前村雪裏已見一枝山上驛邊亂飄
千片寄江南之春信與隴上之故人玉臉娉婷如
壽陽之傳粉冰肌瑩徹逞姑射之仙姿不同桃李
之繁枝自有雪霜之素質香欺青女冷奈霜娥月

淺溪明動詩人之清興日斜烟暝感行客之幽
偏宜淺蓋輕枝最好暗香疎影况是非常之標格
別有一種之風情姮娥好星難拚那更綵雲易散
憑欄賞處已遍南枝兼北枝秉燭看時休問今日
與昨日且輟龍吟之三弄更停畫角之數聲庾嶺
將軍久思止渴傳岩元老專待和羹豈如凡卉之
嬌春長賴化工而結實又况風姿雨質曉色暮雲
日邊月下之妖嬈雪裏霜中之艷冶初開微綻欲
落驚飛取次芬芳無非奇絕錦囊佳句但能髣髴
芳姿皓齒清歌未盡形容雅態追惜花之餘恨舒

樂事之餘情，試綴蕪詞，編成短闋，曲盡一時之景。
聊資四座之歡，女伴近前，鼓子祇候。

總題

梅萼香嫩，雪裏開時，春粉潤。雨盡風枝，暗與黃昏取
次宜。日邊月下，休問初開，蕪欲謝，却最嬌妖，不似
群花春正嬌。

風

東風吹暖，輕動枝頭，嬌艷顫。成片驚飛，不是城南畫
角吹。香英飄處，定向壽陽樓閣出，莫損柔柯，今日
清香遠更多。

雨

蕭蕭細雨，雨歇芳菲，猶淡竚。密洒輕籠，濕遍柔枝，香
更濃。瓊腮微膩，疑是凝酥，初點綴。冷艷相宜，不似
梨花帶雨時。

雪

六花飛素，飄入枝頭，無覓處。密綴輕堆，只似香苞，次
第開。攔邊欲墜，姑射山頭人半醉，墻外低垂，窺送
佳人粉再吹。

月

寒蟾初滿，正是枝頭開爛熳。素質籠明，多少風姿無

限情 暗香疎影冰射蕭蕭山驛靜淺盞輕枝酒醒
更闌夢斷時

騰騰初照半拆瓊苞還似笑莫近柔條只恐凝酥暖
欲消三竿已上點綴胭脂紅蕩漾剛道宜寒不似
前村雪裏看

曉

急催銀漏漸漸紗窓明欲透點禴花枝曉笛吹時幾
片飛 淡烟初破髣髴夜來飛幾朵淺粉餘香晨起
佳人帶曉粧

晚

天寒欲暮別有一舸姿媚處半載斜陽寶鑑微開
晚粧 淡烟輕處漸近黃昏香暗度休怕春寒秉燭
重來子細看

早

陽和初布入萼春紅才半露暖律潛催與占百花頭
上開 香英微吐折贈一枝人已去楊柳貪眠不道
春風已暗傳

殘

香苞漸少滿地殘英寒不掃傳語東君分付南枝挑

李春 東風吹暖南北枝頭開爛熳一任飄吹已占
東風第一枝

陳瑩中

大江北去未到滄溟終不佳淮水東流日夜朝宗亦
未休 香爐煙裊濃淡卷舒終不老寸碧千鍾人醉
華胥月色中

贈棊妓宋瑤

謝幼槃

風篁度曲倦倚雲屏初睡足清簾踈簾香鴨香消懶
更添 纖纖露下風電縱橫飛鈿局顰歛雙娥疑佇
無言密意多

賀方回

冷香浮動望處欲生蝴蝶夢曉日曛隴愁見凝酥煖
漸融 鼓催歌送芳酒一尊誰與共寂寞墻東門掩
黃昏滿院風

用舊韻戲吳奉議

舒信道

眉山歛額往事追思空手拍鴈字頻飛生怕人來說
着伊 閑拋繡履愁帶香衾渾不起莫似楊州只作
尋常薄倖休

錦帶

碎紅如繡搖曳東風吹綵綬擬倩柔條約住佳人細

柳腰 蜀江春綠爭似枝頭能結束纖手攀時欲縮
同心寄與誰

晁無咎小姬娉娉舞梁州 陳無已 墨庄漫錄

娉娉裊裊芍藥稍頭紅玉小舞袖遲遲心到郎邊客

已知 當筵舉酒勸我尊前松柏壽莫莫休休白髮

簪花我自羞

聽琵琶

朱希真

劉郎已老不管桃花依舊笑要聽琵琶重院啼鶯覓
謝家 曲終人醉多似潯陽江上淚萬里東風故園
山河照落紅

二

慵歌怕酒今日春衫驚著瘦雙燕簾櫳金鴨香沉客

淚中 琵琶重聽誰信人問多少恨落日東風吹得

桃花滿院紅

李公麟山陰圖

米芾 志雅堂雜抄

山陰道士鶴日龜跌多秀氣後領將軍蕭散精神一

片雲 東山太傅落落龍驤兼虎步潦倒支公窮骨

零丁小道風

趙德莊

綠陰紅雨暗淡衣裳花下舞花月佳時舞破東風第

幾枝一盃相屬從炮樽前三四燭酒盡花闌京路
風流子細看

盧炳

傳消息咫尺還如千里隔欲見無由惹起新愁與
舊愁情懷如醉歌枕連宵終不寐無奈相思此恨
憑誰說與伊

政和癸巳

向子諲

幾年不見蝴蝶枕中寃夢遠一日相逢鸚鵡盃深笑
壓濃歡心未已流水落花愁又起離恨如何細雨
斜風晚更多

願堂詞

飛霞半綫收盡一天風和雨可惜黃昏殘角疎鍾要
斷魂雙魚傳信只道橫塘消息近心事悠悠同向
春風各自愁

康伯可

揚花飄盡雲壓綠陰鴉乍定簾幕閑垂弄語千般燕
子飛下小樓深靜睡起殘粧猶未整夢不成歸青淚
滴班金縷衣

吳大年

薔薇葉暗滿架濃陰風不亂午酒才醒歷歷黃鸝枕

上聽 此情難遣不比紅蕉心易展要識離愁只似
楊花不自由

張安國

愛而不見立馬章臺空便面想像娉婷只恐丹青畫
不成 詩人老去恰要鶯鶯相伴住試與平章歲晚
教人枉斷腸

李端叔

亂魂無據黯黯只尋來處路燈盡花殘不覺長更又
向闌 幾回枕上那件不曾留夢想變盡星星一滴
秋霖是一莖

春融酒困一寸橫波千里恨着處芳菲蝶與鶯情醉
自迷 歌雲妥翠冷落金屏山十二低抱琵琶月向
黃昏日又斜

稚詞

誰知瑩徹惟有碧天雲外月一見風流洗盡胸中萬
斛愁 賸燒密炬只恐夜深花睡去想得橫陳全是
巫山一段雲

呂居仁

去年今夜同醉月明花樹下此夜江邊月暗長堤柳

暗舫 故人何處帶我離愁江外去來歲花前又似
今年憶去年

魏夫人

西樓明月掩映梨花千樹雪樓上人歸愁聽孤城一
鴈飛 玉人何處又見江南春色暮芳信難尋去後
桃花流水深

二

落花飛絮杳杳天涯人甚處欲寄相思春盡衡陽鴈
漸稀 離腸淚眼腸斷淚痕流不斷明月西樓一曲
欄干一倍愁

李易安

賣花擔上買得一枝春欲放淚染輕勻猶帶彤霞曉
露痕 怕即猜道奴面不如花面好雲鬢斜簪徒要
教郎比並看

雄州驛

李令女

朝雲橫度轆轤車聲如水去白草黃沙月照孤村三
兩家 天天去也萬結愁腸無晝夜漸近燕山回首
鄉關歸路難

梅澗詩話云靖康間金人犯關陽武將令興祖死
之其女為賊虜去題字於雄州驛中叙其本末仍
作此詞蔣令浙西人其女方笄美顏色能詩詞鄉
人皆能道之此湯巖起詩海遺珠所載

春

朱淑真

獨行獨坐獨唱獨酌還獨卧
竚立傷神無奈春寒著
摸人此情難見淚洗殘粧
無一半愁病相仍剔盡
孤燈夢不成

李秀蘭

自從君去曉夜縈牽腸
斷處綠遍香堦過夏經秋
鴈又來想伊那里應也
情懷愁不止緲緲書沉
直至如今沒信音

蘇小小

別離情緒萬里關山如底
數遣妾傷悲未必即家知

不知自從君去數盡殘冬
春又暮音信全乖等到
花開不見來

洪惠英

夷堅
支志

梅花似雪剛被雪來相挫折
雪裏梅花無限精神總
爲他梅花無語只有東風
來作主傳語東君且與
梅花作主人

洪邁守會稽惠英於席間歌其自製述
懷小曲梅者自喻雪指無賴惡少也

馬裕齋

多情多愛還了平生花柳債
好箇檀郎室女爲妻也
不妨傑才高作聊贈青蚨
三百索燭影搖紅記取

媒人是馬公

三朝野史云馬光祖出踰墻接處子詩面試士人秉筆
事覺到官光祖出踰墻接處子詩面試士人秉筆
云花柳平生債風流一段愁開墻乘興下處子有
心樓謝砌應替越韓香許暗偷有情還愛慈無語
強嬌羞不負秦樓約安知漢獄囚王顏麗
如此何用讀書求光祖判此詞云

夷堅支志 丙四

家門希差養得一枚依樣畫百事無能只去籬邊纏

倒藤 幾回水上軋捺不翻真箇強無處容他只好

炎天照作巴

宗室公衛居秀州性易善與人款曲但天資滑
稽遇可答頰一笑衝口輒發見之者無不散畏因
寡髮俗目之為趙葫蘆好事者
作此詞諷之蓋以謹受報也

採桑子

一名羅敷令 醜奴兒令

和凝

蟠螭頰上訶梨子繡帶雙垂椒戶閑時竟學檮蒲賭

荔枝 叢頭鞋子紅編細裙窄金絲無事頓眉春思

翻教阿母疑

秋怨

李後主

輓轡金井梧桐晚幾樹驚秋畫雨新愁百尺蝦鬚上

玉鈎 瓊牕春斷雙娥顰回首邊頭欲寄鱗遊九曲

寒波不折流

春思

前人

亭前春逐紅英盡舞態徘徊細雨霏微不放雙眉時

暫開綠怨冷靜芳音斷香印成灰可頼情懷欲睡
蒙聽入夢來

馮延巳

小庭雨過春將盡片片花飛獨折殘枝無語凭闌祇
自知玉堂香暖珠簾捲雙燕來歸君約佳期肯信
韶華得幾時

二

馬嘶人語春風岸芳草絲絲楊柳橋邊落日高樓酒
旆懸舊愁新恨知多少目斷遙天獨立花前更聽
笙歌滿畫船

西風半夜簾櫳冷遠夢初歸夢過金扉花謝窓前夜
合枝如昭陽殿裡新翻曲未有人知偷取笙吹驚覺
寒蛩到曉啼

四

酒闌睡覺天香暖綉戶慵開香印成灰獨背寒屏理
舊眉朦朧却向燈前卧窓月徘徊曉夢初回一夜
東風綻早梅

映蘇畫五中

小堂深靜無人到滿院春風惆悵墻東一樹櫻桃帶

花華萃編卷二

七

雨紅 愁心似醉兼如病欲語還慵日暮踈鐘雙燕
歸棲畫閣中

東風怨六絕

畫堂燈暖簾櫳卷禁漏丁丁雨罷寒生一夜西窓夢
不成 玉娥重起添香印回倚孤屏不語含情水調
何人吹笛聲

東風怨七

笙歌放散人歸去獨宿江樓月上雲收一半珠簾掛
玉鈎 起來檢點經遊地處處新愁憑仗東流將取
離心過橘州

八

昭陽計得神仙侶獨自承恩水殿燈昏羅幙輕寒夜
正春 如今別館添蕭索滿面啼痕舊約猶存忍把
金環別與人

九

微風簾幙清明近花落春殘樽酒留歡添盡羅衣怯
夜寒 愁顏恰似燒殘燭珠淚闌干也欲高拚爭柰
相逢情萬般

十

畫堂昨夜愁無睡風雨凄凄林鶻爭棲落盡燈花鷄



原件模糊

未啼 年光催事如流水 休說情迷玉勒雙垂 祇是
金籠鸚鵡知

廿一

寒蟬欲報三秋候 寂靜幽居 綠葉交闌 碧月透簾籠遠
夢回 昭陽舊恨 依然前在 休說當時 玉笛繞吹滿袖
猩猩血又垂

廿二

洞房深夜笙歌散 散盡歡情 重對月朦朧 雨過殘花落
地紅 昔年無限傷心事 依舊東風 獨倚樓欄 猶想
閑思到曉鐘

十三

花前失却遊春侶 極目尋芳 滿眼悲涼 縱有笙歌亦
斷腸 林間戲蝶 簾間燕 各自雙雙 忍更思量 綠樹
青苔 半夕陽

晏同叔

陽和二月芳菲遍 暖景溶溶 戲蝶遊蜂 深入千花粉
豔中 何人解繫天邊日 占取春風 免使繁紅 一片
西飛 一片東

高林風二

時光只解催人老 不信多情 長恨離亭 淚滴春衫酒

易醒 梧桐昨夜西風急
淡月朧明好夢頻驚何處
高樓鴈一聲

三

花中獨占春風早
長愛江梅秀艷清
杯芳意先愁調
角催 尋香已落閑人後
此恨難裁更曉
須來却恐
初開勝未開

小山詞

蘆鞭墜遍揚花陌
晚見珍珍疑是朝雲來
作高唐夢
裡人 應憐醉落樓中帽
長帶歌塵試拂香茵留解
金鞭睡過春

二

征人去日殷勤囑
莫負心期寒鴈來時
第一傳書慰
別離 輕絲織就機中素
淚墨題詩欲寄相思
日日
高樓看鴈飛

三

花時惱得瓊枝瘦
半被殘香睡損梅粧
紅淚今春第
一行 風流笑伴相逢處
白馬遊韉共折垂楊手
撚
芳條說夜長

四

秋來更覺銷魂苦
小字還稀坐想行思
怎得相看似

舊時南樓把手憑
有處風月應知別
後除非夢裡時時得見伊

五

誰將一點淒涼意
送入低眉畫箔閑
垂多是今宵得睡遲
夜痕記盡窓間月
曾誤心期準擬相思
還是窓間記月時

六

前歡幾處笙歌地
長負登臨月幌風襟
猶憶西樓着意深
鶯花見盡當時事
應笑如今一寸愁心
目目寒蟬夜夜砧

二

征人去日殷勤囑
莫負心期寒鴈來時
第一傳書慰別離
輕絲織就機中素
淚墨題詩欲寄相思
日日高樓看鴈飛

三

花時惱得瓊枝瘦
半被殘香睡損梅粧
紅淚今春第一行
一風流笑伴相逢處
白馬遊韁共折垂楊
手撚芳條說夜長

四

秋來更覺銷魂苦
小字還稀坐想行思
恁得相看似

舊時南樓把手憑肩處風月應知別後除非夢裡
時時得見伊

五

誰將一點淒涼意送入低眉盡箔閑垂多是今宵得
睡遲夜痕記盡窓間月曾誤心期準擬相思還是
窓間記月時

六

前歡幾處笙歌地長負登臨月幌風襟猶憶西樓著
意深鶯花見盡當時事應笑如今一寸愁心日日
寒蟬夜夜砧

七

日高庭院楊花轉閑淡春風鶯語惺惚似笑金屏昨
夜空嬌慵未洗勻粧手閑印斜紅新恨重重都與
年時舊意同

歐陽永叔

輕舟短棹西湖好綠水逶迤芳草長堤隱隱笙歌處
處隨無風水面琉璃滑不覺舩移微動漣漪驚起
沙禽掠岸飛

張子野

雲水薄薄天同色竟日清輝風影輕飛花發瑤林春

未知剡溪不辨沙頭路湖水平堤姑射人歸記得
歌聲與舞時

周美成

肌膚綽約真仙子來伴水霜洗盡鉛黃素面初無一
點粧 尋花不用持銀燭暗裏聞香零落池塘分付
餘妍與壽陽

黃山谷

櫻桃着子如紅豆不管春歸聞道開時蜂惹香鬢蝶
惹衣 樓臺燈火明珠翠酒戀歌迷醉玉東西少箇
人人煖被携

秦少游

夜來酒醒清無夢愁倚闌干露滴輕寒兩行芙蓉淚
不乾 佳人別後音塵悄銷瘦難拚明月無端已過
江樓十二間

舒信道

一池秋水疎星動寒影橫斜滿坐風花紅燭紛紛透
絳紗 江湖散誕扁舟裏到處如家且盡流霞莫管
年來兩鬢華

呂居仁

恨君不似江樓月南北東西南北東西只有相隨無

別離 恨君却似江樓月暫滿還虧暫滿還虧待得
團團是幾時

二

亂紅天綠風吹盡小市疎樓細雨輕鷗總向離人恨
裏收 年年春好年年病安自西游水自東流不似
殘花一樣愁

謝無逸

楚山削玉雲中碧影落沙汀秋水澄凝一抹江天鴈
字橫 金錢滿地西風急紅蓼煙輕簾外砧聲驚起
青樓夢不成

朱希真

扁舟去作江南客旅鴈孤雲萬里烟塵回首中原淚
滿巾 碧山相映汀洲冷楓葉蘆根日落波平愁損
辭鄉去國人

夏意

康伯可

晚來一霎風蕪雨洗盡炎光理罷笙簧却對菱花淡
淡粧 絳綃縷薄冰肌瑩雪膩酥香笑語檀香今夜
紗厨枕簟涼

雪景

前人

馮夷剪破澄溪練飛下同雲着地無痕柳絮梅花處

慶春 山陰此夜明如晝月滿前村莫掩溪門恐有扁舟乘興人

花庵詞客云順庵作此詞從養直雪夜溪堂之約

清明

曾純甫

清明池館晴還雨綠漲溶溶花裏遊蜂宿粉掠香錦繡中
玉簫聲斷人何處依舊春風萬點愁紅亂逐烟波流向東

向伯恭

人如濯濯春楊柳徹骨風流脫體溫柔牽繫多情儘未休
最憐恰恰新眠起雲雨初收斜倚瓊樓兩點眉心一樣愁

萬里朝天

花蕊夫人

初離蜀道心將碎離恨綿綿春日如年馬上時時聞杜鵑
三千宮女皆花貌妾最嬋娟此去朝天只恐君王寵愛偏

胡夫人

與君別後愁無限求遠團圓間阻多方水遠山遙寸斷腸
終朝等候郎音耗捱過春光烟水茫茫梅子青青又待黃

芭蕉 添字

李易安

窓前誰種芭蕉樹陰滿中庭陰滿中庭葉葉心心舒

卷有餘情 傷心枕上三更雨 點滴霖霖 點滴霖霖
愁損比人不慣起來聽

集句

朱秋娘 女郎

王孫去後無芳草 朱淑 綠遍香階 李季 塵滿粧臺 吳淑

姬粉面羞搽淚滿腮 王幼 教我甚情懷 李易 去時梅

盡全然少 竇夫 等到花開 蘇小 花已成梅 陶 梅子青

青又帶黃 胡夫 兀自未歸來 王嬌

花草粹編卷之二終

程